

萬 有 文 庫

第 二 集 七 百 種

王 雲 五 主 編

漢 書 補 注

( 八 十 三 )

王 先 謙 補 注

商 務 印 書 館 發 行

漢書補注

(八十三)

王先謙補注

國學基本叢書

宣元六王傳第五十

漢書八十

漢 蘭 臺 令 史班 固 撰

唐正議大夫行祕書少監琅邪縣開國子顏師古 注  
賜進士出身前翰林院編修國子監祭酒加三級臣王先謙補注

孝宣皇帝五男。許皇后生孝元帝。張婕妤生淮陽憲王欽。衛婕妤生楚孝王囂。師古曰。囂音敖。公孫婕妤生東

平思王宇。戎婕妤生中山哀王竟。

淮陽憲王欽。元康三年立。母張婕妤。有寵於宣帝。霍皇后廢後。上欲立張婕妤為后。久之。懲艾霍氏欲

害皇太子。師古曰。艾讀曰父。父。創也。補注。錢大昭曰。懲。閩本作微。古懲字。詩曰。荆舒是微。迺更選後宮無子而謹慎者。迺立長陵王婕妤為后。令母

養太子。后無寵。希御見。唯張婕妤最幸。而憲王壯大。好經書法律。聰達有材。帝甚愛之。太子寬仁。喜儒

術。師古曰。喜。好也。音許吏反。上數嗟歎。憲王曰。真我子也。常有意欲立張婕妤與憲王。然用太子起於微細。上少依

倚許氏。師古曰倚音於起反。及卽位而許后自殺。太子蚤失母，故弗忍也。師古曰蚤古早字也。補注宋祁曰也字疑可刪。久之，上目故丞

相韋賢子玄成陽狂，讓侯兄。補注宋祁曰兄字上疑有於字先謙曰詳元成傳。經明行高，稱於朝廷，乃召拜玄成爲淮陽中尉，欲

感諭憲王，輔目推讓之臣。補注宋祁曰推字疑作禮字。由是太子遂安。宣帝崩，元帝卽位，乃遣憲王之國。時張婕妤

已卒，憲王有外祖母，舅張博兄弟三人，歲至淮陽見親。師古曰憲王外祖母隨王在淮陽博等每來謁見其母。輒受王賜，後王上書請

徙外家張氏於國，博上書願畱守墳墓，獨不徙。王恨之，後博至淮陽，王賜之少，博言負責數百萬。師古曰貴

謂假貸人財物未償者也。貴音側懈反。願王爲償，王不許，博辭去，令弟光恐王云：王遇大人益解。師古曰恐謂怖動也。大人博自稱其母也。解讀曰懈。補注先謙曰

官本恐下無王字。引宋祁曰恐字下疑有王字。注文佈字下疑有之字。先謙案益漸也。博欲上書爲大人乞骸骨去，王乃遣人持黃金五十斤送博，博喜

還書謝。師古曰還書報書。補注宋祁曰注未當有也字。爲詔語，盛稱譽王，因言當今朝廷無賢臣，災變數見，足爲寒心，萬姓咸

歸望於大王，大王奈何恬然。師古曰恬然安靜貌也。恬音大兼反。不求入朝見，輔助主上乎？使弟光數說王，宜聽博計，令

於京師說用事貴人爲王求朝。王不納其言。後光欲至長安。辭王。復言願盡力。與博共爲王求朝。王卽日至長安。可因平陽侯。

〔補注〕宋祁曰：陽字疑作陵字。先謙曰：元帝時平陽侯曹參後絕平陵侯。范明友宣帝時誅。宋說亦非也。平陽當是陽平誤。王鳳時嗣陽平侯。

光得王欲求朝語。馳

使人語博。博知王意動。復遺王書曰：博幸得肺附。

師古曰：自云於王有親也。〔補注〕先謙曰：官本作脾臍。脾附是也。肺卽柿字。詳劉向傳。

數進愚策。未見

省察。北游燕趙。欲循行郡國。求幽隱之士。聞齊有駟先生者。善爲司馬兵法。大將之材也。博得謁見。承閒進問。五帝三王究竟要道。卓爾非世俗之所知。

師古曰：卓爾。高遠貌也。自言見駟先生。問曰：要道。知其高遠也。

今邊境不安。天下騷動。微

此人。其莫能安也。

師古曰：微。無也。〔補注〕宋祁曰：浙本無人其字。又一本無此人字。

又聞北海之瀕。有賢人焉。

師古曰：瀕。涯也。音類。又音賓。

累世不可逮。然

難致也。

師古曰：逮。及也。言其材智不可及也。致。至也。難得召而至也。

得此二人而薦之。功亦不細矣。博願馳西。自此赴助。漢急。無財幣。且

通顯之。趙王使謁者持牛酒黃金三十斤勞博。博不受。

師古曰：勞。謂問遺之。音來到反。〔補注〕先謙曰：官本注在勞博下。上言北游燕趙。此復言趙王厚餽請婚。皆辭之。以明專

欲爲淮陽。王盡力也。

復使人願尙女。聘金二百斤。博未許。

師古曰：尙女者。王欲取博女。且自配也。〔補注〕先謙曰：官本注在尙女下。

會得光書云。大王已遣光。

西與博并力求朝。博自呂棄捐。不意大王還意反義。結目朱顏。師古曰：還猶回也。願殺身報德。朝事何足言。大

王誠賜咳唾。使得盡死。湯禹所目成大功也。駟先生蓄積道術。書無不有。師古曰：言凡是書籍皆有之。願知大王所

好。請得輒上。〔補注〕宋祁曰：此下當添入字云：師古曰：上與王也。王得書喜說。如淳曰：上與王也。〔補注〕宋祁曰：此注當改作師古曰：說讀曰悅。報博書曰：子高迺幸左

顧存恤。發心惻隱。師古曰：左顧猶言枉顧也。顯至誠。〔補注〕宋祁曰：顯字下疑有以字。納呂嘉謀。語呂至事。師古曰：以至極之事告語我。〔補注〕宋祁曰：注末疑有也字。

雖亦不敏。敢不諭意。師古曰：諭曉也。今遣有司為子高償責二百萬。是時博女壻京房。呂明易陰陽。得幸於上。

數召見言事。自謂為石顯五鹿充宗所排。謀不得用。〔補注〕先謙曰：詳見房傳。數為博道之。博常欲誑耀淮陽王。即

具記房諸所說災異。及召見密語。持予淮陽王。呂為信驗。詐言已見中書令石君求朝。許呂金五百斤。

賢聖制事。蓋慮功而不計費。師古曰：志在成功。不惜財費也。〔補注〕宋祁曰：詐言別本無詐字。先謙曰：石君即謂石顯。昔禹治鴻水。百姓罷勞。師古曰：罷讀曰疲。成

功既立。萬世賴之。今聞陛下春秋未滿四十。髮齒墮落。太子幼弱。佞人用事。陰陽不調。百姓疾疫飢饉。

死者且半。鴻水大害，殆不過此。師古曰：謂堯時水災，不大於今。大王緒欲救世。師古曰：緒，業也。一曰：始為端緒。將比功德，何

可目忽。師古曰：言比功德於古帝王也。忽，忘也。博已與大儒知道者，為大王為便宜奏。師古曰：大儒知道，謂京房也。道，道術也。陳安危，指災異，大

王朝見，先口陳其意，而後奏之，上必大說。師古曰：說，讀曰悅。事成功立，大王即有周邵之名，邪臣散亡，公卿變

節，功德亡比，而梁趙之寵，必歸大王。如淳曰：梁王景帝弟，欲為嗣。趙王如意幾代惠帝也。外家亦將富貴，何復望大王之金錢。王喜

說。師古曰：說，讀曰悅。報博書曰：迺者詔下止諸侯朝者，寡人憺然，不知所出。師古曰：憺，痛也。不知所出，何所出也。憺，音才感反。子高素有顏

冉之資，臧武之智。師古曰：顏，顏回也。冉，冉耕也。字伯牛，皆孔子弟子。論語稱孔子曰：德行，顏淵、閔子騫、冉伯牛、仲弓。臧武者，魯大夫臧武仲也。名紇，論語稱孔子曰：若臧武仲之智，故王引之為言也。〔補注〕先謙曰：官本注末無也字。

子貢之辯。師古曰：論語稱孔子云：言語宰我、子貢。卜莊子之勇。師古曰：卜莊，子古之勇士。兼此四者，世之所鮮。師古曰：鮮，少也。音先踐反。既開端緒，願

卒成之。師古曰：卒，終也。求朝義事也，奈何行金錢乎。博報曰：已許石君，須呂成事。師古曰：須，待也。王曰：金五百斤，子博

會房出為郡守，離左右，顯具得此事，告之。〔補注〕宋祁曰：顯字上疑有石字，告之之字當刪。王念孫曰：漢紀無之字。周壽昌曰：案上已有石顯，此不得再有石字。房漏泄省

中語博兄弟誣誤諸侯王。誹謗政治。狡猾不道。皆下獄。有司奏請逮捕欽。上不忍致法。遣諫大夫王駿。賜欽璽書曰。皇帝問淮陽王。有司奏王。王舅張博數遣王書。非毀政治。謗訕天子。褒舉諸侯。稱引周湯。目調惑王。

師古曰。調。古詔字也。〔補注〕宋祁曰。周當作禹。先謙曰。官本注無也字。

所言尤惡。悖逆無道。王不舉奏。而多與金錢。報目好言。臯至

不赦。朕惻焉不忍聞。

師古曰。惻。痛也。〔補注〕宋祁曰。朕惻焉。當云朕甚惻焉。

為王傷之。推原厥本。不祥自博。

師古曰。祥。善也。自從也。不善之事。從博起也。

惟王

之心。匪同于凶。已詔有司。勿治王事。遣諫大夫駿。申諭朕意。

師古曰。申。謂約束之。〔補注〕宋祁曰。注文申字。下當有諭字。

詩不云乎。靖恭

爾位。正直是與。

師古曰。大雅小明之詩也。與。借也。言人能安靜。而恭。目守其位。借於正直。則明神聽之。用錫福善。

王其勉之。駿諭指曰。

師古曰。璽書之外。天子又有指意。并令駿曉告於王也。

禮為諸侯制。相朝聘之義。蓋目考禮壹德。尊事天子也。

師古曰。考。成也。壹德。謂不二其心也。〔補注〕周壽昌曰。禮王制云。天子無事與諸侯相見。曰朝考。禮正刑一德。以尊於天。

子注考。稽考也。壹。即一。

且王不學詩乎。詩云。俾侯於魯。為周室輔。

師古曰。魯頌閟宮之詩也。言立周公子伯禽。使為諸侯於魯國。而作周家之藩輔。

今王舅博。數遣

王書。所言悖逆。王幸受詔策。通經術。

如淳曰。詔策。若廣陵王策。曰。無違宵人。毋作匪德也。經術之義。不得內交。

知諸侯名譽。不當出竟。

師古曰。竟。讀曰境。天



子普覆德布於朝而恬有博言。師古曰恬安也聞博邪言安而受之多予金錢與相報應不忠莫大焉。故事諸侯王獲罪京

師罪惡輕重縱不伏誅必蒙遷削貶黜之罪。師古曰故事者言舊制如此也未有但已者也。師古曰但徒也空也已止也未有空然而止者也今聖

主赦王之罪又憐王失計忘本為博所惑加賜璽書使諫大夫申諭至意殷勤之恩豈有量哉博等所

犯罪惡大。〔補注〕先謙曰官本無罪字引宋祁曰犯字下當有罪字羣下之所共攻王法之所不赦也自今且來王毋復且博等累心

師古曰累音力端反務與衆棄之春秋之義大能變改。師古曰且有過而能變改者為大〔補注〕沈欽韓曰公羊文十二年傳秦伯使遂來聘云賢秦繆公以為能變也易曰藉用白

茅无咎。師古曰此大過初六爻辭也茅者潔白之物取其自然故用藉致享於神慎之至也〔補注〕宋祁曰注文故用藉當作故用為藉言臣子之道改過自新絜己且承上然後

免於咎也王其畱意慎戒惟思所且悔過易行塞重責稱厚恩者。師古曰塞猶補也稱副也如此則長有富貴社稷

安矣於是淮陽王欽免冠稽首謝曰奉藩無狀。師古曰無善狀過惡暴列。師古曰暴謂章顯也陛下不忍致法加大恩遣

使者申諭道術守藩之義伏念博罪惡尤深當伏重誅臣欽願悉心自新奉承詔策。師古曰悉盡也頓首死罪

京房及博兄弟三人皆棄市。妻子徙邊。至成帝卽位。目淮陽王屬為叔父。敬寵之。異於它國。王上書自陳。舅張博時事。頗為石顯等所侵。因為博家屬徙者求還。丞相御史復劾欽。前與博相遺私書指意。非諸侯王所宜。蒙恩勿治。事在赦前。不悔過而復稱引。自目為直。失藩臣體。不敬。上加恩許。王還徙者。三

十六年薨。子文王玄嗣。二十六年薨。子續嗣。

孟康曰。續音引。師古曰。音弋善反。

王莽時絕。

楚孝王囂。甘露二年。立為定陶王。三年徙楚。成帝河平中。入朝時被疾。天子閱之。下詔曰。蓋聞天地之

性。人為貴。人之行。莫大於孝。

師古曰。孝經載孔子之言。

楚王囂素行孝順仁慈之國。目來二十餘年。嬖介之過未嘗

聞。朕甚嘉之。今迺遭命。離于惡疾。

師古曰。離亦遭也。

夫子所痛曰。蔑之命矣。夫斯人也。而有斯疾也。

師古曰。夫子孔子也。論語

云。伯牛有疾。子問之。自牖執其手。曰。蔑之命矣。夫斯人也。而有斯疾也。蔑無也。言命之所遭。無有善惡。如斯善人。而有如此惡疾。深痛之也。〔補注〕先謙曰。官本注如此作如斯。

朕甚閔焉。夫行純茂。而不顯異。

則有國者。將何勗哉。

師古曰。純。大也。一曰善也。茂。美也。勗。勉厲也。

書不云乎。用德章厥善。

師古曰。商書盤庚之辭也。言褒賞有德。目明其善行。〔補注〕先謙曰。官本注商作尙。

今王

朝正月詔與子男一人俱。師古曰從王入朝也。其呂廣戚縣戶四千三百封其子勳爲廣戚侯。明年鬻薨。子懷王

文嗣。〔補注〕先謙曰官本考證云案文表作芳。一年薨。無子絕。明年成帝復立文弟平陸侯衍。〔補注〕宋祁曰陸一本作陸。是爲思王。二十一

年薨。子紆嗣。王莽時絕。〔補注〕何焯曰紆子般後書有傳范氏稱自器至般積累仁義世有名節而紆尤慈篤般子愷復以讓爵顯蓋宣帝有功德於民而元帝以後國統三絕其餘慶在楚矣。初成帝時又

立紆弟景爲定陶王。廣戚侯勳薨諡曰煬侯。子顯嗣。平帝崩。無子。王莽立顯子嬰爲孺子。奉平帝後。莽

篡位。呂嬰爲定安公。漢旣誅莽。更始時。嬰在長安。平陵方望等頗知天文。呂爲更始必敗。嬰本統。當立

者也。師古曰言其舊已繼平帝後當正統。共起兵。將嬰至臨涇。〔補注〕先謙曰安定縣今涇州鎮原縣南五十里。立爲天子。更始遣丞相李松擊破殺嬰云。

〔補注〕周壽昌曰王子侯表但云莽敗死從略也。

東平思王宇甘露二年立。元帝卽位就國。壯大通姦犯法。師古曰與姦猾交通好犯法。〔補注〕先謙曰官本末有也字。上呂至親。貫弗罪。

傅相連坐。師古曰類坐王獲罪。〔補注〕先謙曰亦詳王尊傳。久之。事太后。內不相得。太后上書言之。求守杜陵園。張晏曰宣帝陵也。宮人無子乃守園陵也。

〔補注〕先謙曰官本注未無也字

上於是遣太中大夫張子矯

師古曰矯字或作僑並音鉅昭反〔補注〕齊召南曰案藝文志及劉向王褒傳並作僑則僑字是也

奉璽書敕諭之

師古曰約敕而曉告之也

曰皇帝問東平王蓋聞親親之恩莫重於孝尊尊之義莫大於忠故諸侯在位不驕目致孝

道制節謹度呂翼天子

師古曰翼佐也

然後富貴不離於身

〔補注〕先謙曰官本於作其引宋祁曰舊無不字云離於身蘇子瞻云此文與孝經小異離附離也今作不離其身疑為俗儒

所添也錢大昭云於闕本作其

而社稷可保今聞王自修有闕本朝不和

師古曰謂東平國之朝也

流言紛紛

〔補注〕宋祁曰下紛字當作然

謗自內興

朕甚憚焉為王懼之

師古曰憚痛也音于惑反

詩不云乎毋念爾祖述修厥德永言配命自求多福

師古曰大雅文王之詩也無念念也言當

念爾先祖之道修其德則長配天命此乃所自自求多福〔補注〕先謙曰官本考證云今詩作聿修即漢書他傳亦作聿修惟此文作述或齊魯韓三家所傳不同耳錢大昕云述與聿同爾雅述自也孫炎云述古述字讀若聿

朕惟王之春秋

方剛

師古曰言其年少血氣盛〔補注〕宋祁曰注末當有也字

忽於道德

師古曰忽遺忘也

意有所移忠言未納

師古曰謂漸染其惡人而移其性未受忠言也

故臨遣太

中大夫子矯諭王朕意

師古曰親臨遣之令目朕意曉告王

孔子曰過而不改是謂過矣

師古曰論語載孔子之言也謂人有失行許目自新

王其深惟

孰思之無違朕意又特呂璽書賜王太后曰皇帝使諸吏宦者令承問東平王太后

〔補注〕先謙曰百官表宦者令屬少府

朕有聞。師古曰。言母子不和也。不王太后少加意焉。夫福善之門莫美於和睦。患咎之首莫大於內離。今東欲指斥言之故云有聞也。

平王出襁褓之中而託于南面之位。加呂年齒方剛。〔補注〕宋祁曰。考諸本無位加字。劉敞曰。南面之文不具。涉學日寡。驚忽臣下。師古曰。驚

讀曰傲同。〔補注〕先謙曰。宜本曰傲作與敷。不自它於太后。李奇曰。不自它者。親之辭也。師古曰。言不自同它人。〔補注〕宋祁曰。注文親字上疑有自字。呂是之間。能無失禮義者。其

唯聖人乎。傳曰。父為子隱。直在其中矣。師古曰。論語云。葉公謂孔子曰。吾黨有直躬者。其父攘羊。而子證之。孔子曰。吾黨之直者異於是。父為子隱。子為父隱。直在其中矣。故引之也。王太后

明察此意。不可不詳。閨門之內。母子之間。同氣異息。骨肉之恩。豈可忽哉。豈可忽哉。昔周公戒伯禽曰。

故舊無大故。則不可棄也。毋求備於一人。師古曰。事見論語。言人有小惡。當思其善。不可責其備行。而即棄之耳。〔補注〕先謙曰。宜本注末耳作也。夫呂故舊之恩。猶

忍小惡。而況此乎。已遣使者諭王。王既悔過服罪。太后寬忍。目貫之。師古曰。貫猶緩。〔補注〕宋祁曰。注末常有也字。後宜不敢。師古曰。不敢更為非也。

王太后強餐。止思念。慎疾自愛。字慙懼。因使者頓首謝死罪。願洒心自改。師古曰。洒。音先弟反。詔書

又敕傅相曰。夫人之性。皆有五常。及其少長。耳目牽於耆欲。師古曰。耆。讀曰嗜。故五常銷而邪心作。情亂其性。

利勝其義。張晏曰：性者所受而生也。情者見物而動者也。而不失厥家者，未之有也。今王富於春秋，氣力勇武，獲師傅之教，淺加

目少所聞見，自今目來，非五經之正術，敢日游獵，非禮道王者，輒目名聞。師古曰：道讀曰導。〔補注〕先謙曰：官本讀曰作音。字立

二十年，元帝崩，宇謂中謁者信等曰：漢大臣議天子少弱，未能治天下，目爲我知文法，建欲使我輔佐

天子。師古曰：建，謂立其議。我見尙書晨夜極苦，使我爲之不能也。今暑熱，縣官年少。張晏曰：不敢指斥成帝謂之縣官也。持服恐無處

所。如淳曰：言不從道。冀如昌邑王也。我危得之。孟康曰：危，殆也。我殆得爲天子也。師古曰：危者，猶今之言險不得之也。〔補注〕先謙曰：官本注末也作矣。比至下，字凡三哭。張晏曰：下，下棺也。師古曰：比音

必寐反。下音胡稼反。飲酒食肉，妻妾不離側，又姬胸臚，故親幸，後疏遠。服虔曰：胸音劬，臚音奴溝反。又音奴舉反。數歎息呼天，宇聞，斥胸臚

爲家人子。師古曰：黜其秩位。掃除永巷，數笞擊之，胸臚私疏，宇過失，數令家告之，宇覺知，絞殺胸臚，有詔奏請

逮捕。〔補注〕錢大昭曰：詔當作司。闕本不誤，先謙曰：官本作司。有詔削樊、亢父二縣。師古曰：音抗甫。後三歲，天子詔有司曰：蓋聞仁，目親親，古之

道也。前東平王有闕。師古曰：闕，謂過失也。有司請廢，朕不忍，又請削，朕不敢專。〔補注〕宋祁曰：削字下疑有地字。蘇輿曰：言不敢專已廢法，因聽削地。惟王

之至親。未嘗忘於心。今聞王改行自新，尊修經術，親近仁人，非法之求，不日奸吏。師古曰：奸音干。朕甚嘉焉。傳

不云乎。朝過夕改。君子與之。其復前所削縣如故。師古曰：復音扶目反。後年來朝。上疏求諸子及太史公書。〔補注〕蘇輿曰：

是時史記體名太史公。此稱其書名。自晉以後始有史記之稱。上曰。問大將軍王鳳。〔補注〕宋祁曰：鳳字下當更有鳳字。對曰。臣聞諸侯朝聘。考文章。正法度。非

禮不言。今東平王幸得來朝。不思制節謹度。且防危失。師古曰：危失謂失道而傾危也。而求諸書。〔補注〕宋祁曰：書字上當有子字。先謙曰：諸書統子史言

之。不當有子字。非朝聘之義也。諸子書或反經術。非聖人。或明鬼神。信物怪。師古曰：物亦鬼。太史公書有戰國縱橫權

譎之謀。漢興之初。謀臣奇策。天官災異。地形阨塞。皆不宜在諸侯。王不可予。不許之辭。宜曰。五經。聖人

所制。萬事靡不畢載。王審樂道。〔補注〕蘇輿曰：審猶誠也。傅相皆儒者。且夕講誦。足且正身虞意。師古曰：虞與娛同也。〔補注〕先謙曰：官本

注未無也字。夫小辯破義。小道不通。致遠恐泥。皆不足且留意。師古曰：論語稱孔子曰：雖小道。必有可觀者焉。致遠恐泥。是且君子不爲也。泥爲陷滯不通也。音乃細反。〔補注〕先

謙曰：官本注。泥下爲作謂同。諸益於經術者。不愛於王。師古曰：愛。惜也。於王無所惜。〔補注〕先謙曰：官本注未有之字。對奏。天子如鳳言。遂不與。立三十

三年薨。師古曰：皇覽云：東平思王家在無鹽。人傳言王在國思歸京師，後葬其家上松柏，皆西靡也。（補注）沈欽韓曰：元和志：思王墓在鄆州須昌縣東四十九里，其松柏皆西靡。王奢侈，生葬所愛，幸者守冢者嘗聞號呼，數年後乃不復聞聲。案劉孝標荅

劉秣陵書云：東平之樹，望咸陽而西靡。周壽昌曰：表作三十二年，先謙曰：思王家在今泰安府東平州境。

子煬王雲嗣。哀帝時，無鹽危山土自起覆草，如馳道狀。又瓠

山石轉立。

晉灼曰：漢注作報山，山脅石一枚，轉側起立，高九尺六寸，旁行一丈，廣四尺也。師古曰：報山，山名也。古作瓠字，爲其形似瓠耳。晉說是也。（補注）先謙曰：官本考證云：息夫躬傳作無鹽危山，有石自立開道，與此稍異。先謙案山東

平州北有瓠山，東北有危山。

雲及后謁，自之石所祭，治石象瓠山。

蘇林曰：於宮中作山象。注：宋祁曰：作山象瓠山。（補注）

立石，束倍草并祠之。

師古曰：倍草，黃倍草也。音

步賄反。（補注）劉敞曰：立石屬上句。沈欽韓曰：夏官大馭注：菩芻爲神主，說文繫傳案字書黃菩草，則說文亦作菩也。此倍乃借字。（集韻作藟，非）束菩草并祠之，卽菩芻爲神主也。

建平二年。

（補注）朱一新曰：案諸侯王表及帝紀乃三年事，先

謙曰：官本作三年是。息夫躬、孫寵等，其因幸臣董賢告之。

（補注）周壽昌曰：躬因宋宏上變事，哀帝寵賢欲侯之，故詔云：躬寵因賢以聞，傳從詔書。

是時哀帝被疾，多所

惡，事下有司，逮王后謁，下獄驗治，言使巫傅恭、婢合歡等祠祭，詛祝上。

如淳曰：傅恭，巫姓字。

爲雲求爲天子，雲又

與知災異者高尙等，指星宿，言上疾必不愈，雲當得天下，石立，宣帝起之表也。有司請誅王，有詔廢徙

房陵，雲自殺，謁棄市。立十七年，國除。元始元年，王莽欲反，哀帝政。

師古曰：改其所爲也。

白太皇太后，立雲太子，開



明爲東平王。又立思王孫成都爲中山王。〔補注〕周壽昌曰：成都於莽篡時貶爲公。明年獻書言莽德，封烈侯，賜姓王。開明立三年薨。無子。復立開

明兄嚴鄉侯信子匡爲東平王。〔補注〕周壽昌曰：匡立居攝元年。奉開明後。王莽居攝。東郡太守翟義與嚴鄉侯信謀舉

兵誅莽。立信爲天子。兵敗，皆爲莽所滅。

中山哀王竟。初元二年立爲清河王。三年徙中山。目幼少，未之國。建昭四年薨。葬杜陵。〔補注〕宋祁曰：江南本邸字上

有郡字。無子。絕。太后歸居外家戎氏。〔補注〕何焯曰：既立爲國君，則不當廢矣。乃不爲置後，使其母歸。居外家失禮甚矣。豈當時謬引子卒夫人姜氏歸於齊之文耶。

孝元皇帝三男。王皇后生孝成帝。傅昭儀生定陶共王康。師古曰：共，讀曰恭。馮昭儀生中山孝王興。

定陶共王康。永光三年。〔補注〕宋祁曰：一本作元光三年。立爲濟陽王。八年徙爲山陽王。八年徙定陶王。少而愛。師古曰：言少小卽爲

帝所愛。長多材藝，習知音聲。上奇器之。母昭儀又幸。幾代皇后太子。師古曰：幾，音鉅。衣反。語在元后及史丹傳。成帝卽

位。緣先帝意，厚遇異於它王。十九年薨。子欣嗣。十五年，成帝無子，徵入爲皇太子。上曰：太子奉大宗後。